



05629

讀畱春圃紀勝諸詠再疊前韻貽圭菴四首

翠羽紅襟入畫樓柳絲輕影罩漁舟
陽和有脚能遮住何處遊人不少畱

寒林索寞漫嗟夫細雨如膏已潤枯
開到茶蘼春又去問伊歸處爾知無

詩中有畫畫中樓共案如乘李郭舟
二十四番風已過一腔生意自長畱

莫學之乎與蓋夫埋頭帖括到心枯
江山風月誰能主尋箇閑人今絕無

古香樓吟藁

卷二

十一

冬至吳淞道中

吳淞木落曉煙橫穩坐中流五兩輕
山似蛾眉鈎幔見冰如環珮送舟行
日逢南至關難閉潮自東來岸欲平
處處人家畱遠客金盞玉鱠薦新秬

王麓臺給諫過訪兼貽詩畫次韻酬之

風裁諤諤早澄清繚繞煙雲腕底行
偶愛湖山畱嘯傲不因塵鞅逐紛更
歡迎舊雨添新興詩寫無聲却有情
最恨春潮催畫鷁綠陰凝睇短橋橫

題畫蘭賀臧清侯合巵四首

春來何事最相宜逸韻無如謝氏姿竝蒂花開香
滿室襲人衣袂一枝枝

觀影聞香睡正酣夢回知是叶宜男久應紉作騷
人佩畫譜新翻鄭所南

兩兩相看益有餘如賓如友意初舒只緣道味能
悠永不比尋常蹤跡疎

芳蘭自有幽情性欲得丰神事亦艱何若畫眉臨
繡閣試於鏡裏看青山

炎貞新構書樓落成次耕煙肆夏韻二首

古香樓吟葉

卷二

十一

鋤茅開徑乍成樓高啄簷牙接樹頭堆架千函常
拄腹插雲雙塔足凝眸金昆登眺裁新詠石隱盤
桓嬾放遊自有昔年弘正樂無須趙舞與齊謳
未許疎狂作浪遊每同姚合日登樓坐花檢韻情
應適待月清談事更幽理學源流欣有伴羹牆時
對復何求春來睥睨添佳興斗酒容予聽栗留

送熹姪秉鐸桐江四首

河干帆影動念汝欲之官捧檄過書院橫經近釣
灘竹林懷舊晏冰署慎加餐爲國儲才地休嫌苜

藉寒

暫借扶風席讀書山水鄉虛懷休自足遜志願無
荒豹欲深藏霧錐寧久處囊秋闈期慰我績學早
騰驤

延陵推國士風雅夙知名世好情原密同寅誼匪
輕作人欣有助麗澤獲相成細敘江鄉舊清齋話

短檠

謂同寅
吳子六階

宗盟昔司鐸化育起黌宮爾去循良轍人爭重道

風

前時元亮宗兄由
此升任其教士可法

梧溪歸省便梓里潮洄通兩地煙

古香樓吟葉

卷二

十三

波接家郵各易逢

復竇文正公祀田紀事

元儒竇默祠在肥鄉縣邑人郝公
苗請復祀田延顏習齋講學於此

元代有鴻儒薄田供祭掃旋爲強者侵瑩荒肥水
隩我朝重前賢曠典素崇報封墓而式閭近益頒
詔誥郝君心不平首爲邑令告因得歸汶陽澤如
陰雨膏俎豆有贏餘郝君情復浩累彼所剩資立
塾明有造時延儒家宗闡學嚴教導希入聖域深
君子相慥慥肥鄉戶可封頓覺多自好文治蔚然
興士林聲更噪願世同此風敦行而遠暴

讀喟亭侍御愛梅詩題其後

秋窗讀公愛梅詩皎皎風骨令人思江南地暖花
如海水邊林下無人知不圖青史金門客偏恐巡
簷索笑遲画谿園中早春放玉爲葩兮雪作肌荆
谿方丈三百樹紛紛開落惜過期九都繽紛方艷
發寒香撲面堪娛嬉興來策蹇尋山麓時復放艇
江之湄太初手植延佇久鴛鴦湖畔香風吹鄧尉
西谿堪悅目山山如雪烘朝曦萬玉蒼中梅最古
一枝旁茁花紛披我公到處攜蠟屐綵毫在手詩
囊隨人如水部才復擅廣平賦手姑射姿我因親
誼共談笑公言花癖誠難醫品題花事鄧尉最還
有羅浮景更奇

題壽聖寺善繼禪師血書華嚴經

金閨門外山塘路來往遊人紛似鷺出門不逐看
花羣蕭寺翻經時獨赴老僧知我意慙慙急請開
函消夙慕一襟煩熱頓清涼大似焦茅灑甘露永
明自是天人師庫錢散作放生貲白刃臨頭了無
懼放歸之日隨披緇至人無來亦無去爲乘願力

人間住瀾翻宗鏡說初完又向半塘寺中遇南詢
煙水渺無窮樓閣門開彈指中其間妙諦難敷演
且寫貝葉藏花宮松煤黑汙不可用丹砂炫眼令
人矇金銀作屑總外物捨所易捨非吾從最難捨
者身中血充足則生枯則絕我今將報世雄恩十
指如錐俱刺裂和香蘸取錄真言八十一卷無差
別要知不是凡間書豈效銀鈎與釵折須教字字
放光明何異造論蓮生舌莊嚴法寶信堪珍呵護
天龍及鬼神須臾現作宰官身濂溪學士即其人

古香樓吟藁

卷二

五

再來題讚知前因物換星移歲月深有力負趨愁
難尋吾家司馬能購取藏諸精舍曰肇林香雲繚
繞朝夕供隱隱如聞金口音寺僧曇旭來堅請鐸
返珠還畱至今嗚呼我聞東坡前身爲五戒會心
禪悅如針芥只今三世等循環滴滴血書終不壞
十玄六相舊曾探五十三叅妙理含似此因緣信
奇特瓣香親爇禮瞿曇

生日

生長紅塵擾擾間十年養就寸心閑衝渠水駛難

將月眩眼雲奔未捲山滿舍雞豚情浩蕩虛文屏
幃色編爛道人自有安身處獨坐松陰看白鷗

題畫贈金筠道侶

古松流水聚仙羣石上時翻金碧文鶴背負來千
嶺月棋聲敲散一庭雲

題廬山圖送借山上人二首

斷句泠泠大雅音夜闌軟語得披襟剪燈細看廬
山畫已起宗雷入社心

芒屨來自五臺山神往屏風九壘間白鹿巖前遙

古香樓吟藁

卷二

十六

待客爲予一訊虎谿灣

蔣葑田過訪以詩字見貽次韻漫酬

戲鴻書法寫新詩妙似羲之又牧之靈悟何曾勞
劒舞錦心原不讓機絲愁因歲晚舟難繫誼向杯
深醉莫辭縱使尋芳能踐約挑燈應費幾回思

畱曉廬度歲用前韻

穩作消寒唱和詩君如白傅我微之同聲小鳥知
求友共繭春蠶好吐絲心地漸寬功已立硯田粗
給祿堪辭拚教醉弄梅花月不學張衡賦所思

歲暮貽圭菴蓉江用前韻

幾年燈火快評詩莫問行藏任所之遊遍青山偕

綠齒

今年偕蓉江兩遊茗
雪頗盡登臨之樂

坐憑烏几共紅絲狂來每爲賢

人酒

蓉江善飲
每多醉况

老去偏多幼婦辭

圭菴年彌老而吟興益
壯時同硯席不倦唱酬

歲晚

豈教輕易別滄江風雪繫人思

徐丙文卧病西菴寄予新詩有巧到老來都

是拙文成病後更無奇之句依韻荅之

莫道文章不合時籬根冷語見襟期紛華似綺翻

爲陋圓轉如丸始是奇病渴可知禪悅味浪遊誰

古香樓吟藁

卷二

十七

賞客愁詩勸君早覓安心法何用勞勞費苦思

寒宵漫興索曉廬圭菴蓉江同和二首

卒歲忘愁緒聯詩快友情窗開梅影入衣動芋香

生犬吠谿冰拆鴉驚堠火明乾坤方閉塞又見一

陽萌

水涸晴光久冬殘雪片稀畱賓時下榻彈燭夜開

幃酒剩廚人悅年豐稚子肥詩城賴秦系一戰解

重圍

得三君和詩再疊前韻

耐寒成晚翠松竹見交情撼座驚濤過依簾細靄
生驪珠歸禹錫蚓竅學彌明抵掌聽君話心花一
夜萌

不知芳歲盡但覺客來稀月浸縹緗閣風欺翡翠
幃深情偏落穆大志豈輕肥累索休文和能無減
帶圍

古香樓吟藁

卷二

六

古香樓吟藁卷二

終

古香樓吟藁卷三

休陽汪 文柏 柯庭

慈母壽筵宗人自徽睦吳松而會者五十餘
人長吉兄首倡二詩以紀其盛次韻謾酬
遠近宗盟次第過情深焉用禮爲羅盃浮梅檻含
香勝月到燈簾映色多壯志未衰聊戲綵新年話
舊且當歌饒君雅調先投贈金谷難辭奈我何
椒香梅信喜初過舞隊星橋鬪綺羅芝竝蘭蓀芳
自合萱同莫莢歲應多詩詞意重樽前客絃管聲

古香樓吟藁

卷三

一

調月下歌珠斗橫斜連粉堞酒闌休問夜如何

題邵東園小照

一襟秋水澄兩耳松風沸雖非山澤癯亦有煙霞
氣古琴橫座隅不識曾彈未時無絃上聲已見琴
中意小童不烹茶反攜一冊至欲解主人渴請嚼
書中味借問是何書要以經史貴經明行可修史
熟事多記開卷足忘憂非與雜說類五絃能陶情
五粒可爲餌誰謂圖中人所好與世異

東裝感懷

爲有潘輿戀顛毛白漸侵遂舒懸矢志莫負斷機
心菽水情縈夢風塵淚掩襟願添萱草茂雨露北
堂深

露筋祠

異節疇能似荒祠互水濱芳名垂宇宙貞骨化松
筠白鳥寧無恨青蓮豈受塵一宵心不奪千古事
如新社日喧簫鼓空幃薦藻蘋可憐兒女血狼籍
漆啼巾

漂母祠

古香樓吟藁

卷三

二

韓侯雖大志出語氣麤豪孰知有漂母千金如鴻
毛入耳怪唐突厲辭挫其驕吾哀王孫耳進食豈
有邀奈何磴磴然識小同兒曹轉眼垂釣者登座
擁旌旄指揮破重瞳功勳非不高終嬰望報禍受
縛猶鷓鴣感茲巾幘意此言心佩牢千秋復何人
悵望空寥寥

紅花埠題謝家樓薛次湯西崖太史韻

平分南北地逆旅一登樓新月生隋苑洪濤界豫
州沙長饑鴈集牕冷溼雲流椒繭初成帛征衫度

麥秋

沂州道中

此身南北與東西到處尋詩任馬蹄一簇亂山迷
紫塞半林殘照已青齊無端勸客津亭酒有意催
人旅店雞鞭影靜垂孤堠畔棗花香裏聽鶯啼

傾蓋亭二首

載贄之何處相逢豈易分蓋傾情已重道合語難
聞山色連齊樹河聲入魯雲千秋交誼在瞻拜挹
清芬

古香樓吟藁卷三

三

守道能移俗先生亦有書經過郊子國相值素王
車迹往情猶在名存意自餘白頭多按劔思此復
何如

見泰山二首

馬首悠然見羣山覺自低空濛舒倦眼蔥蒨香征
蹄畫豈王蒙得詩難杜甫齊未能搜勝概從此識

端倪

畫苑記王叔明見泰山石理因
悟皴法一生所畫皆泰山也

蒼然來遠翠送我不辭勞只覺依人動誰知入漢
高移燈觀海日過雨聽松濤安得先飛鳥峰巔振

布袍

謁嶽廟

清晨齊沐謁金庭
瑤草琪花帶露馨
五色雲霞飛絳闕
千行松檜接青冥
羣黎矜饗邀純嘏
維嶽尊嚴役百靈
獨笑迂儒無禱祝
踏殘蒼蘚讀碑銘

無字碑

六經如日星浩劫終難壞
雜說太支離一火誠爲快
嗟峨無字碑不與祖龍邁
林立後朝文翻嫌以字
疥揄揚多溢辭點畫少
金薤徒遭讀者嗤定受
山靈怪豈若保貞珉可爲穿鑿戒

古香樓吟藁

卷三

四

唐槐

人爲萬物靈勞思成老醜
植物因無知根固則長
久不中棟梁材翻沾雨露
厚要知匠石心豈羨靈椿
壽謬悠莊生言樹之無何
有高榦盤雲霄涼陰垂戶
牖花黃舉子忙志在圖青
綬當年得意人北邙骨已
朽歲月真白駒富貴如蒼
狗那能立功勳高名竝牛
斗不隨草木凋一任烏兔
走莫令駐歸鞍攀枝傷皓
首

漢柏

喬木多天年孰與松柏齊異哉青銅柯盤踞如後
猊昂昂入雲霄忽隨鋪階墀半空喧波濤殿角奔
虬螭黛色補天漏盤根絡地維義和不敢前側轡
從西馳炎官失威勢火傘何由施森沉古紺宇拂
地垂青帷岱宗乃明神正直庥羣黎上帝嘉其績
勅汝爲憑依冰霜歷已久赤心終不移變理陰與
陽凜然猶臯夔大材必大用豈屑侍媵爲我來成
駭矚舉首雷雨垂徬徨不忍去再拜仍獻歎曾聞
孔明廟溜雨存霜皮狡獪少陵筆作歌何離竒或
者過褒美放手多腴詞未曾經我眼安得竟信之
介紹爲君侶異地非同時山巔大夫松庶可結英
者自然久莫逆勿笑吾言遲

椿樹里喜與臧鄴侯對宇而居偶成四首

室小生虛白簾深隔軟紅 帝城雙闕下春樹萬
家中索米嗟瓶罄貽詩喜篋豐孰知居不易猶自

繫青驄

親串欣同井鄉音儼似家攜來東海月看遍長安

花遠岫分蛾黛輕雷輾犢車出門多好遇何處有
塵沙

跬步成來往香醪每共斟驢鳴停客語花笑映文
心真意分殘帙寒光出古鐔只愁溝水近符限促

攜琴

時將出
宰安昌

古里無椿樹虛名惹客愁趨庭家學在陟岵淚痕
流弦月臨鉤幔涼吹入敞裘西山秋氣爽斗酒向
誰謀

次韻酬萬卓菴

古香樓吟藁

卷三

六

同居醉里難謀面此日燕臺喜訂交一刺懷中無
戶詣雙扉月下僧敲琴書可寄心兼跡瓦缶慚
賡竹與匏斗酒百篇知敏捷只愁忙殺小胥鈔

送程常先歸柘湖次吳季子韻

吹殘柳絮又桐綿到日蕉窗正綠天千里客懷燕
市月一年歸夢柘湖煙春雲詩句思張藉夏雨山
莊肖巨然誰道文章憎命達嬋娟桂闕定相憐

題查書雲小影次趙恒夫給諫孔東塘司農

韻二首

胸次難容半點塵吟風弄月任天真要知驢背無窮興不比山陰泛雪人

當壚燕女似輕鴻南酒新開映袖紅同調有人愁獨詠可堪共醉灞橋東

張雲子太史見題蘭石次韻疊成三首以紀

一時相敘之雅

古調何驚人天姿謝妝抹聲鏗句益竒韻險氣難遏悠游竹素園推敲作生活共飲超臺日雄談一何濶聽泉玉笋飛搔首綸巾脫長安數往還託契忝在末猗蘭聊寄興鷗波剩餘馥茄嗜喜君同悶懷藉軒豁胸中具生意何患筆不達非獨忘晨昏戀之易裘葛雨露及風晴天公豈能奪

日射繭窗明烏几光新抹染翰興蓬蓬可縱不可遏腕底蘭芽生墨池拳石活贈君博佳篇辭富波瀾濶四海稱才名流傳稿初脫一字乃吾師千鈞轉毫末疎簾竹影斜虛枕殘荷馥願停長者車坐使胸茅豁詩酒自風流乾坤任放達郵筒累唱酬文字成瓜葛京洛有閑情豈爲浮名奪

家在梧桐谿遠山橫一抹無端慕浮榮遂把歸心
過今如涸轍鱗疇能斗水活張侯新訂交誼重情
亦濶贈我詩句圓頗似銅丸脫沉思向座隅役想
窮天末史筆繼歐陽往哲傳芳馥論定是與非疑
事一朝豁嗟我讀書遲悔不知窮達縱飲效伶藉
忘機類懷葛雅調信難賡微吟氣已奪

贈吳季子仍疊前韻

季君多吟情風月供批抹千言倚馬成一曲行雲
過角葉彩樣歸手談機筭活京洛重才華鄉里嘲

古香樓吟藁

卷三

八

迂濶良驥鞭影馳野鶴樊籠脫家寄吳水濱心飛
絳雲末

季子家於嘉定兩尊人則在絳州時切庭闈之念

御苑槐色黃冰輪桂枝

酸名心何泊如逸興尤超豁相聚欲相違有懷難
悉達好攜北海樽遠訪南陽葛歎彼躬耕人終爲

漢所奪

將隨臧子鄴侯之任南陽

送姚麗文郡丞赴任柳州

五馬風流疊有聲星軺今更莅龍城直追柳氏文
華美豈遜于公第宅宏叔子閑官欣把辭邊氓瘠
土賴催耕長安秋月光初滿情話幾回又贈行

送吳酉山郡丞赴任饒州

佐郡雄才久絕倫清時再見剖符新芝山竹馬迎
仙吏梅里金樽別故人溝瘠回春須撫字路遺不
拾在經綸公餘領勝多題詠早寄天街洗客塵

送查書雲下第歸次孔東塘韻二首

揮手東華向草堂疎林紅葉襯山光半途事廢身
無恙千里人歸月滿廊帶雨片雲終出岫梳翎凡
鳥定朝陽彈冠念我相期切莫使新添鏡裏霜

曾虛蘭漿過谿堂恰值雙扉閉曉光扇挹清芬畱

古香樓吟藁

卷三

九

故篋畫移邃壑入空廊

書雲前歲過訪適予在
茗上畱詩筆畫圖而去

三年燈火

依丹闕一夜秋風憶紫陽底事奚囊多謦句只緣
踏遍板橋霜

題計希深驢背琢詩圖四首

衝寒長耳兀吟翁刻意搜求興不窮雪後 帝京

渾白玉琢成詩句最玲瓏

歷盡窮途氣未降十年驢背當山窻佇看得意春

風裏裊裊鞭絲到曲江

負米尋詩亦苦辛倚鞍人憶倚閭人顯揚早遂平

生願纔把吟鞭換釣綸

踣鐵蹄敲月碎坡板橋霜滑冷侵鞞神來秀句冲襟出不待停鞭更琢磨

讀張雲子太史與家東川祭酒唱和詩次韻

二首

歲月易推遷半生研故紙筮仕雖無期可行亦可止快哉京洛遊得遇淮南子短鬢已蕭蕭雄心尚千里枉贈多古風調高從正始未肯輕別離幾度淹行李

古香樓吟藁

卷三

十

傲居椿樹根九衢通輦轂而我寡交遊閉門等空谷一逢釣鼈人自覺胸懷促大海湧洪濤掀翻多駭矚詞源不可窮筆陣隨所欲吾家賴司成勅敵如皮陸

同顧九恆進士孫愷似查聲山家天泉曹渭符諸太史集王仰公園亭觀劇用渭符韻
一縷歌喉隔水聞雨絲風片正續紛雅知法曲傳三界只恐仙衣化五雲溜澗碧泉清合調翻階紅藥艷難羣縱疑天上同歡宴未必當杯盡屬文

祖家莊看荷花同華吉人家虎文作

最愛祖家莊荷深小閣涼綠雲畱宿雨紅粉落斜
陽紙屏來虛影絺衣潤冷香閑遊多樂事絲竹滿
繩牀

送宗伯杜夫子予告歸里

優禮尊元老楓廷予告新 聖明敦夙眷藻采錫
溫綸耆德原培母斯文實致身千秋專峻業一代
表宗臣蚤羨登清要從推有亮寅北纏光斗紀南
國著人倫宣澤滄溟濶論思密勿頻曲臺資典秩

古香樓吟藁

卷三

十一

薄海在陶鈞最遂披雲願纔占立雪晨亦趨思中
矩多幸坐依春長往夫何遽中懷詎易陳高風界
良史離席悵羈人晚碧東山樹秋香南浦蓴尋將
賦歸去終託後車塵

懷黃圭菴

一從離硯席三載苦思君獨對官簾雨難分故嶺
雲鷗盟懷贈句驥子聽論文遠憶山牕下紅蕉又
夕曛

南城同官陳海霞自滇中來以馬金囊見贈

賦謝

仙息自點蒼遺我馬金囊透齒疑瓊液生津勝蔗漿
彈琴司馬渴東帶少陵狂熱吏何勞苦從今徹底涼

庚辰秋琉璃廠監造屋宇冊籍走筆書懷

有明戶口聚九門悉居民 皇朝定鼎初出令徙城闈園地分八旗天兵爲比鄰外城足官地架屋許都人所以琉璃廠衡宇如魚鱗生聚六十年結構非無因秦魯豫吳越黔蜀楚粵閩九州同覆載

古香樓吟藁

卷三

十一

率土皆王臣竭來多僦寓名利羈其身上著取租
值微薄堪養親若論公家地履畝稅始均遺民費
資斧庀材及陶甄奈何起間架此議太不仁况有
雜徭苦露肘衣懸鶉 皇恩方浩浩四海蠲租頻
如何輦轂下翻令人歎呻予有守土責實難緘我
脣不顧司空怒痛哭爲具陳體君愛黎庶豈愁大
吏嗔位卑恥無權有志終不伸聊成五字詩語鄙
意頗真倘值采風者爲我獻 楓宸疲氓得蘇息
霜霰回陽春

三冬奉 命賑濟書永光寺壁

先王教萬民恆產不可無士農及工商衣食自有
餘更爲養老人溫飽宜其居疾病得所依不爲戕
厥軀 今皇念饑饉設廠臨通衢五城共十廠每
廠一石糈永光與弘慈北郭兩僧廬三冬九十日
里閭無餓夫子乃司其役不假於吏胥可憐鵠面
者日仰飯一孟官廚買薪煤搏節剩青蚨十日一
散給少能救窮途海宇沛 皇仁恩澤將廣敷不
知有饑寒鼓腹歌唐虞

古香樓吟藁

卷三

十三

長安即事

彌天野馬戰長風出戶先愁兩眼矇百計宦遊成
曉夢千聲稗販似秋蟲
京師鬻食冬習聲腔沿街聒耳南人多不曉悉 河沿月墮
車鈴過地窖花明秸火紅暫輟朝參還自得小軒
高枕數歸鴻

得仲兄信有懷

奉親兼課子爲計穩林臯菽水酬烏哺桐陰映鳳
毛收書嫌近本畱客剩香醪愧我吟官閣愁瞻鴈
字高

庚辰除夕言懷

官傍蒼龍闕星纏析木津兩城畱宦迹一載作勞
薪家塾離童稚萱幃念老親舍飴同綺席戲綵隔
芳辰池草勞清夢金釵卜遠人歲殘孤燭淚門掩
九衢塵值宿庭多隸聯吟幕乏賓燎光通萬井爆
響徹重闈自矢冰壺瑩蒙頌玉曆新俸清能卒歲
才拙愧臨民莫感飛鳶墮難求尺蠖伸身閑舟不
繫心熱陸偏沉久缺茅容黍長懷張翰蓴猿啼空
帳曉花滿故山春穩作抽簪計松牕好漉巾

古香樓吟藁

卷三

古

辛巳元旦早朝二首

靜鞭三響徹天衢嵩祝心誠拜不呼太史當階陳

表牘大官分隊賜醍醐喜逢化育星呈瑞

夏秋日中星現詞臣各獻

景星詩

會觀安瀾馬負圖

南北兩河時將告竣

鵷末小臣曾學賦操

觚羞換執金吾

飛盡宮鴉宿靄收太和仙樂繞龍樓玉階草細承

紅墊金鼎香清襲紫裘淑景度橋冰腹泮條風入

禁柳梢柔前朝冠佩殊方使來共丹青拜冕旒

謂高

麗使臣也

燈夕查橋貽同官胡平仲高閣公

鳳城燈市笙歌沸寶馬香車密如櫛金吾不禁乃
其時亦有凶頑賴呵叱安得世無害馬徒免使蕭
何行法律銀鐙三木負前驅隨例查橋每宵出六
街燈火亦足觀大如車輪小如月近如火樹散枝
柯遠似珠璣縮成結燭龍洶湧鱗鬣張懶婦歡娛
光燄濶况逢新霽少沙塵兩耳笙簫間箏瑟看燈
聽曲煩應接得意不教馬蹄疾每多蟬鬢倚朱樓
更有蛾眉跨齧膝回眸一笑絕堪憐可惜名花過

古香樓吟藁

卷三

十五

眼失玻璃盃注梨花春蕩漾燈光淨如雪同官勸
飲草棚間坐待燈殘歌亦闕侵晨走馬向蘭臺戀
此微名意何拙不如解綬作閑人儘我嬉遊過時

節

梨花春京
師酒名

范石湖詩簿書遮斷尋詩路陸放翁詩菱角

磨成芡實圓一時拈出曹待詔滑符善漢

隸書聯句見贈久而思之終有未愜作詩

以自解

簿書遮兩眼尋詩路久迷公餘間有作粗淺如膚

皮不從性靈出雖多亦奚爲曾讀古人書掉舌論
安危不屑巧彌縫動輒與世違放翁句本佳可詠
不可規丈夫浩然氣摧折非所宜方竹使之圓何
異磷白圭菱角及雞頭物性本不齊吾將居吾常
窮達復何疑

入海淀遇

聖駕恭紀

忽報乘輿出此途風清磬蹕一塵無牙旗遮道蒼
龍合翠輦穿花彩鳳扶萬國咸寧調玉燭寸心不
染勝冰壺涓埃難補真微吏惟有臨民似撫孤

古香樓吟藁

卷三

六

豐臺看芍藥歌

江南春無三日晴冀北一冬晴過春每逢花候不
愁雨身閑便是看花人豐臺芍藥大如斗一色紅
雲幾十畝朝朝采鬻暮復開羨殺東皇真好手相
國園亭一草廬家家置酒日無虛萬斛濃香薰綺
席對之不飲將何如天然脂粉誰爲醜燕姬失色
花光內露凝高朶赤瑛團風翻碧葉空青碎檻外
還栽白一闌質如琪花帶雪看冰肌玉骨涼無汗

新試輕衫剪素紈嗟予夙有耽花癖異卉竒葩圍
硯席文心相映最相宜取其麗藻勝巾幗吏隱東
城多雅懷數椽古署臨花街了殘公事將休沐便
脫朝靴着筍鞵自從量移來北郭案牘埋身如蠅
縮今晨對花覺自慚偶得看花是清福

次韻荅紅椒菴借山禪久長安過訪二首

明主何曾棄不才兩番分秩佐烏臺匡廬淨侶遙
相念撞破紅塵問我來

昨夢青山覲遠公一龕秋碧綴椒紅今朝境奪惟

古香樓吟藁

卷三

七

人在可是偏中是正中

題溫鄰翼小照

寫山中習靜觀朝槿松下清齋摘露葵二句

閑觀物凋榮靜聽風蕭颯吾愛弁陽翁雅與藍田
合虛懷共天遊外物無間隔撐拄萬卷書曾次猶
納納落筆江海翻詩成鬼神泣渴眼歎望洋枵腹
慚羞澀朝陽威鳳鳴三冬老龍蟄出處各有時經
書縱漁獵青青松下葵根肥朝露溼適口便爲佳
擊鮮終莫及食前羅方丈笙歌擁侍妾得志君不
爲清齋乃所愜爛熳槿花繁開落一何急勁節凌

雲姿冰霜畱翠粒豈無素心人丹青能併入倘不
厭疎狂爲君荷瓢笠

聞叔兄調太平復攝養利州事却寄

九年仍作倅所思惟桂林未辭炎蒸地復入瘴煙
深可曾見飛鳶跼跼向水沉我無少游語使汝時
追尋愧作金門吏星星鬢亦侵花前搖判筆月下
偷彈琴長嗟驥伏櫪孰識魚生鶯有詩難遠寄有
酒惟孤斟同爲鞅掌役渺若商與參念彼白頭親
豈無懷歸心終當拂衣去何爲苦越吟

古香樓吟藁

卷三

十

書篔簹武林相士

已過春明三度春每勞歸夢遠松筠無絃可易鍾
儀操有扇難遮庾亮塵傲骨不煩仙客換折腰時
賴竹牀伸西山泉石雖堪戀肯把西湖讓隱淪

刺梅園老松行

刺梅園中老松樹三載相思今始遇果然竒絕不
虛譽起伏猶龍令我懼長身蜿蜒走當路猛爪攫
拏如欲捕鱗甲渾身不知數猙獰頭角作吞吐吁
氣爲雲噴爲霧奮鬣直往蒼穹訴誰敢攀髯觸其

怒任彼登天復回顧山魃木客安能附空中定有
雷霆護慈仁虛名落詩賦欲補十景惟君助蒲輪
徵辟未必赴倘逢尊者無恐怖引杖降之歸鉢去
是龍是松辨其故具眼人看方不誤

題李周臣比部行樂二首

寫一童捧書一童
濯硯坐碧桃花下

鵝行初散向谿頭解意雙童足遣愁開卷定知詩
興發便將餘墨染春流

東園西陌遍芳蹤小坐清谿意自濃得氣花枝誰
與伴主人家世本猶龍

古香樓吟藁

卷三

九

題禹尚姬海棠春雨圖

徐熙黃荃稱能事繼躅邊鸞與陸治後來妙手代
不無廣陵今有禹鴻臚海棠數朶凝春色旖旎嬌
容離粉墨斜梢帶雨半含風喚起美人朝睡濃宿
醉未消勻粉面粧成乍却青羅扇莫怯檀郎着意
看任伊銀燭照更闌玩久渾忘禹君筆非花幻作
如花質要知繪事本通神造物爲師生意新禹君
學畫先學道一點靈犀通竅妙畫花能笑鳥能啼
硯池風雨常淒淒風不鳴條雨不注只恐六丁來

取去

沈育符移居餅山五年矣復以原詩屬和次

韻二首

幾度移家仍故國此間閉戶便深山育符雖已三遷終不離故土紫

芝可茹真高寄齋名如芝山房丹竈頻遷幕大還用葛仙翁移居事試看

松文生劍脊莫疑杯影動弓彎牆東詩老今凋謝

更許何人扣竹關育符移居因項君東井隔垣不意五年之後項君遂成古人矣

瓶因酒務如山峙酒盡瓶移豈見山昔有酒務累瓶如山故名如山市

近最宜書購取巢新不誤鶴飛還庭隅肅肅客花先

古香樓吟藁卷三

三

鳥間關
笑屋角窺人月故彎心跡雙清門徑悄據梧時聽

戲贈二首

門多野雀偏宜饌釜有遊魚亦可烹今日玉皇香
案吏向人搖乙爲呼庚

貸粟無門思辟穀問津有路願乘槎春林桃李逢
時雨又見爭開爛熳花

古香樓吟藁卷三 終



